



Број: **01/2-sl./26**

Сарајево, 12. 1. 2026.

IZVJEŠTAJ O RADU KOMISIJE ZA VANJSKE POSLOVE

PREDSTAVNIČKOG DOMA ZA 2025. GODINU

Januar 2026. godine

POGLAVLJE I. UVODNI DIO.....	3
Tabela 1. Statistički podaci o sjednicama Komisije	4
POGLAVLJE II. IZVJEŠTAJ O AKTIVNOSTIMA KOMISIJE.....	4
Odjeljak A. Razmatranje međunarodnih akata (sporazumi, ugovori, konvencije, protokoli)...	4
Odjeljak B. Izvještaji o radu i radni plan	7
Odjeljak C. Poslaničke inicijative i javna saslušanja	7
Odjeljak D. Međunarodna saradnja, konferencije i radni sastanci	8
Odjeljak E. Saradnja s drugim institucijama i organizacijama	8
POGLAVLJE III. Rezime	8

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15 i 78/19 i 26/20), u skladu s Uputstvom o metodologiji izrade izvještaja o radu komisija Parlamentarne skupštine BiH (broj: 01,02-02-4-574-1/13 od 10. 4. 2014) i Zaključkom Predstavničkog doma (broj: 01.50-1-15-15/15 od 22. 7. 2015), Komisija za vanjske poslove Predstavničkog doma Parlamentarne skupštine BiH podnosi Predstavničkom domu Parlamentarne skupštine BiH

IZVJEŠTAJ

o radu Komisije za vanjske poslove Predstavničkog doma u 2025. godini

POGLAVLJE I. UVODNI DIO

Komisija za vanjske poslove Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Predstavničkog doma Parlamentarne skupštine BiH (u daljnjem tekstu: Predstavnički dom). Nadležnost Komisije određena je članom 45. Poslovnika Predstavničkog doma prema kojem Komisija:

- a) prati vođenje vanjske politike Predsjedništva BiH i Vijeća ministara BiH;
- b) razmatra pitanja saradnje BiH s Ujedinjenim narodima i međunarodnom zajednicom;
- c) razmatra pitanja međuparlamentarne saradnje s odgovarajućim komisijama parlamenata drugih zemalja;
- d) razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- e) razmatra pitanja rada institucija BiH, nadležnih za pitanja vanjskih poslova i međunarodnih odnosa;
- f) razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- g) razmatra pitanja davanja i otkazivanja saglasnosti za ratifikaciju međunarodnih ugovora, sporazuma i konvencija.

U mandatnom periodu 2022 – 2026. za predsjedavajuću Komisije izabrana je Darijana Filipović, za prvu zamjenicu predsjedavajuće izabrana je Sabina Ćudić, a za drugog zamjenika predsjedavajuće Obren Petrović. Ostali članovi Komisije su: Nihad Omerović, Milan Petković, Saša Magazinović, Safet Kešo, Mladen Bosić i Midhat Čaušević.

Komisija je obavljala poslove iz svoje nadležnosti, u skladu s Planom rada i procedurama utvrđenim Poslovníkom Predstavničkog doma.

U izvještajnom periodu Komisija je održala devet sjednica, s ukupno 61 tačkom dnevnog reda. Prosjek prisustva članova Komisije sjednicama je 65,5%, a sjednice su u prosjeku trajale 24 minute.

Tabela 1. Statistički podaci o sjednicama Komisije

Broj i datum održavanja sjednice	Broj razmatranih tačaka dnevnog reda na sjednici	Prisustvo članova sjednicama Komisije (%)
24. sjednica, 23. 1. 2025.	3	78
25. sjedinca, 17. 3. 2025.	11	56
26. sjednica, 14. 4. 2025.	3	56
27. sjednica, 12. 6. 2025.	10	89
28. sjednica, 9. 7. 2025.	8	56
29. sjednica, 29. 7. 2025.	4	67
30. sjednica, 15. 10. 2025.	14	67
31. sjednica, 27. 11. 2025.	5	67
32. sjednica, 12. 12. 2025.	3	56
Ukupan broj sjednica: 9	Ukupan broj razmatranih tačaka: 61	Prosječno prisustvo: 65,5

POGLAVLJE II. IZVJEŠTAJ O AKTIVNOSTIMA KOMISIJE

Odjeljak A. Razmatranje međunarodnih akata (sporazumi, ugovori, konvencije, protokoli)

Komisija je u izvještajnom periodu razmatrala i Predstavničkom domu dala pozitivno mišljenje o davanju saglasnosti za ratifikaciju sljedećih akata (ukupno 32):

1. Sporazum između Bosne i Hercegovine i Evropske unije o saradnji između organa Bosne i Hercegovine nadležnih za pravosudnu saradnju u krivičnim stvarima i Agencije Evropske unije za saradnju u krivičnom pravosuđu (EUROJUST), materijal broj: 01,02-21-1-142/25 od 13. 1. 2025;
2. Sporazum između Vlade Republike Sjeverne Makedonije i Vijeća ministara Republike Albanije, Vijeća ministara Bosne i Hercegovine, Vlade Crne Gore, Vlade Republike Srbije i Vlade Republike Slovenije o aranžmanima zemlje domaćina u vezi sa statusom stalne organizacije Balkanskih medicinskih snaga i njenog osoblja, materijal broj: 01,02-21-1-465/25 od 17. 2. 2025;
3. Izmijenjeni i obnovljeni ugovor na Ugovor o zajmu originalnog datuma 12. 9. 2018. (Projekat koridor 5c – dio 3) između Bosne i Hercegovine i Evropske banke za obnovu i razvoj, materijal broj: 01,02-21-1-466/25 od 17. 2. 2025;
4. Sporazum o grantu između Bosne i Hercegovine i Evropske investicione banke, Mediteranski koridor: poddionica Medakovo – Ozimice autoputa 5c u Bosni i Hercegovini / Grant Evropskog zajedničkog fonda za Zapadni Balkan / WB-IG06-BIH-TRA-04, broj ugovora (Fi broj): 91.682, broj operacije (Serapis br.) 2019-0751, materijal broj: 01,02-21-1-625/25 od 6. 3. 2025;
5. Protokol između Vijeća ministara Bosne i Hercegovine i Vlade Rumunije o sukcesiji Bosne i Hercegovine bilateralnih ugovora zaključenih između Federativne Narodne Republike Jugoslavije / Socijalističke Federativne Republike Jugoslavije i Narodne Republike Rumunije / Socijalističke Republike Rumunije / Rumunije na nivou države i vlade, materijal broj: 01,02-21-1-531/25 od 25. 2. 2025;
6. Okvirni sporazum o zajmu između Razvojne banke Vijeća Evrope i Bosne i Hercegovine za psihijatrijske klinike u Bosni i Hercegovini LD (2019), materijal broj: 01,02-21-1-779/25 od 24. 3. 2025;
7. Ugovor o izmjenama i dopunama broj 1 na Ugovor o grantu od 26. oktobra 2020. u vezi s investicionim grantom iz Evropskog zajedničkog fonda za Zapadni Balkan za Projekat vodosnabdijevanja Gradačca između Bosne i Hercegovine i Evropske banke za obnovu i razvoj, materijal broj: 01,02-21-1-788/25 od 25. 3. 2025;
8. Izmjena i dopuna Statuta Organizacije Ujedinjenih naroda za turizam i njegovog Aneksa – pravila finansiranja, materijal broj: 01,02-21-1-1073/25 od 30. 4. 2025;
9. Sporazum između Bosne i Hercegovine i Crne Gore o socijalnom osiguranju i Administrativnog sporazuma za provođenje Sporazuma između Bosne i Hercegovine i Crne Gore o socijalnom osiguranju, materijal broj: 01,02-21-1-1171/25 od 19. 5. 2025;
10. Sporazum o pristupu visokom obrazovanju i prijemu na studije na Zapadnom Balkanu, materijal broj: 01,02-21-1-1181/25 od 20. 5. 2025;
11. Amandman broj 1 na Ugovor o finansiranju (Koridor 5c - Mostar jug) zaključen od i između Bosne i Hercegovine (zajmoprimac) i Evropske investicione banke (banka) 26. aprila 2018. godine u Sarajevu (Ugovor o finansiranju) – broj operacije (Serapis broj): 2015 – 0773, broj ugovora (FI broj): 87.195, materijal broj: 01,02-21-1-1294/25 od 2. 6. 2025;
12. Amandman broj 1 na Ugovor o finansiranju sklopljen između Bosne i Hercegovine (zajmoprimac) i Evropske investicione banke (banka) 26. aprila 2018. godine (Ugovor o finansiranju) – Koridor 5c - Zenica sjever, broj operacije (Serapis broj): 2015 – 0774, broj ugovora (FI broj): 86.971, materijal broj: 01,02-21-1-1295/25 od 2. 6. 2025;
13. Sporazum o zajmu (Projekat održive, integrirane i sigurne infrastrukture) između Bosne i Hercegovine i Međunarodne banke za obnovu i razvoj, materijal broj: 01,02-21-1-1433/25 od 24. 6. 2025;

14. Sporazum o zajmu (Drugi programski zajam za razvojnu politiku zdravstvenih sektora) između Bosne i Hercegovine i Međunarodne banke za obnovu i razvoj, materijal broj: 01,02-21-1-1434/25 od 24. 6. 2025;
15. Sporazum o grantu između Bosne i Hercegovine i Evropske investicione banke „Mediterranski koridor: poddionica autoputa 5c u Bosni i Hercegovini Tunel Kvanj – Buna“, grant Evropskog zajedničkog fonda za Zapadni Balkan/WB-IG04-BIH-TRA-05, broj ugovora (FI broj) 98144, broj operacije (Serapis broj) 2015-0773, materijal broj: 01,02-21-1-1437/25 od 25. 6. 2025;
16. Ugovor o finansiranju (Evropski fond za održivi razvoj – EFSD + Specijalno investiciono područje 1) između Bosne i Hercegovine i Evropske investicione banke – Vjetroelektrana Poklečani, Broj ugovora (FI N°) 94.541, Broj operacije (Serapis N°) 2022-0241, materijal broj: 01,02-21-1-1504/25 od 7. 7. 2025;
17. Sporazum o finansiranju Godišnjeg akcionog plana za Bosnu i Hercegovinu za 2024. godinu između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara BiH, materijal broj: 01,02-21-1-1529/25 od 10. 7. 2025;
18. Ugovor o zajmu (GrCF2 W2 E2 – Energetska efikasnost javnih zgrada u Tuzlanskom kantonu) između Bosne i Hercegovine i Evropske banke za obnovu i razvoj, materijal broj: 01,02-21-1-1580/25 od 14. 7. 2025;
19. Okvirni finansijski sporazum između Bosne i Hercegovine i Razvojne banke Vijeća Evrope za Kulturno-sportski centar „Integra“ u Mostaru – sa GSIF investicionim grantom LD 2206 (2024) 2837 – GSIF-IG-BA (2024), materijal broj: 01,02-21-1-1788/25 od 7. 8. 2025;
20. Sporazum o zajmu (Projekat izgradnje i opremanja dodatnog objekta za smještaj studenata u Javnoj ustanovi Studentski centar „Boriša Starović“ Foča) između Bosne i Hercegovine i Saudijskog fonda za razvoj (zajam broj: 9/852), materijal broj: 01,02-21-1-1892/25 od 28. 8. 2025;
21. Memorandum o razumijevanju o obrazovnoj i naučnoj saradnji između Vijeća ministara Bosne i Hercegovine i Vlade Kraljevine Saudijske Arabije, materijal broj: 01,02-21-1-1931/25 od 3. 9. 2025;
22. Sporazum o grantu – Investicioni okvir za Zapadni Balkan (WBIF) – Program sigurnog i održivog transporta (SSTP) – (Projekat održive, integrirane i sigurne putne infrastrukture) između Bosne i Hercegovine i Međunarodne banke za obnovu i razvoj i Međunarodnog udruženja za razvoj (u funkciji vodeće finansijske institucije za WBIF-SSTP), SSTP, grant broj: TF C7105-BA, materijal broj: 01,02-21-1-1932/25 od 3. 9. 2025;
23. Sporazum o finansiranju za program Interreg (Interreg VI-C), Interreg Europe za period 2021 – 2027. (CCI 2021TC16RFIR001), između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara BiH, i Francuske, koju predstavlja francuska regija Gornja Francuska, materijal broj: 01,02-21-1-1943/25 od 3. 9. 2025;
24. Ugovor o grantu (GrCF: Projekat „Vodovod Sarajevo“) između Bosne i Hercegovine i Evropske banke za obnovu i razvoj, koji se odnosi na investicioni grant Evropske unije, koju predstavlja Evropska komisija (finansira se u okviru Instrumenta pretprijetne pomoći uspostavljenog Uredbom 231/2014 Evropskog parlamenta i Vijeća od 11. marta 2014. (IPA II)), materijal broj: 01,02-21-1-1944/25 od 3. 9. 2025;
25. Izmjene i dopune br. 2 na Sporazum o finansiranju Programa prekogranične saradnje Srbija – Bosna i Hercegovina za period 2021 – 2027, materijal broj: 01,02-21-1-1967/25 od 5. 9. 2025;

26. Ugovor o grantu (GrCF2 W2 E2 – Energetska efikasnost javnih zgrada u Tuzlanskom kantonu) između Bosne i Hercegovine i Evropske banke za obnovu i razvoj, koji se odnosi na investicioni grant iz Evropskog zajedničkog fonda za Zapadni Balkan, materijal broj: 01,02-21-1-1968/25 od 5. 9. 2025;
27. Sporazum o zajmu (Projekat izgradnje naučno – tehnološkog parka) između Saudijskog fonda za razvoj i Bosne i Hercegovine, zajam br: 8/851, materijal broj: 01,02-21-1-2046/25 od 22. 9. 2025;
28. Amandman br. 3 na Ugovor o finansiranju između Bosne i Hercegovine i Evropske investicione banke zaključen 19. 5. 2014. u Sarajevu i 5. 6. 2014. u Luksemburgu, s povremnim izmjenama i dopunama (ugovor o finansiranju) – Distribucija električne energije u BiH/C (FI 82.304 – SERAPIS 2010-0562), materijal broj: 01,02-21-1-2066/25 od 24. 9. 2025;
29. Sporazum o grantu i projektu od 15. jula 2025. između KfW-a, Frankfurt na Majni (KfW), i Bosne i Hercegovine, koju predstavlja Ministarstvo finansija i trezora BiH (primalac), i Federacije Bosne i Hercegovine, koju predstavlja Federalno ministarstvo finansija, i JP „Elektroprivreda HZHB“ d. d. Mostar (agencija za izvršenje projekta) za iznos 2.950.000,00 eura – Obnova i modernizacija pumpno-akumulacijske hidroelektrane Čapljina, materijal broj: 01,02-21-1-2245/25 od 20. 10. 2025;
30. Nota sporazum između Vijeća ministara Bosne i Hercegovine i Vlade Savezne Republike Njemačke – nastavak razvojno-političke saradnje sa Saveznom Republikom Njemačkom, materijal broj: 01,02-21-1-2455/25 od 14. 11. 2025;
31. Sporazum između Bosne i Hercegovine i Ujedinjenih naroda u vezi s Uredom rezidentnog koordinatora Ujedinjenih naroda u Bosni i Hercegovini, materijal broj: 01,02-21-1-2456/25 od 14. 11. 2025;
32. Sporazum između Evropske unije, s jedne strane, i Bosne i Hercegovine, s druge strane, o učešću Bosne i Hercegovine u Programu za zapošljavanje i socijalne inovacije (EaSI) Evropskog socijalnog fonda plus (ESF+), materijal broj: 01,02-21-1-2527/25 od 26. 11. 2025.

Odjeljak B. Izvještaji o radu i radni plan

U toku 2024. godine na sjednicama Komisija je razmatrala i usvojila sljedeće materijale:

1. Izvještaj o radu Komisije za vanjske poslove za 2024. godinu;
2. Orijentacioni radni plan Komisije za vanjske poslove Predstavničkog doma PSBiH za 2025. godinu.

Odjeljak C. Poslaničke inicijative i javna saslušanja

1. Komisija za vanjske poslove je na 23. sjednici, održanoj 18.12.2024, u skladu s članom 40. st (2) Poslovnika Predstavničkog doma donijela Odluku o Javnom saslušanju Borjane Krišto, predsjedavajuće Vijeća ministara BiH, i Elmedina Konakovića, ministra vanjskih poslova BiH, u vezi s otkazivanjem Samita lidera Zapadnog Balkana koji je trebao biti održan u Neumu 5. 12. 2024.

U skladu s članom 40. Poslovnika Predstavničkog doma Parlamentarne skupštine BiH, Komisija je 21.1.2025., provela javno saslušanje Elmedina Konakovića, ministra vanjskih poslova BiH. Komisija za vanjske poslove Predstavničkog doma Parlamentarne skupština BiH je na svojoj 25. sjednici održanoj 17.3.2025., usvojila Izvještaj s javnog saslušanja i dva zaključka koji su sastavni dio navedenog Izvještaja i uputilo ga u daljnju parlamentarnu proceduru.

Predstavnički dom Parlamentarne skupštine Bosne i Hercegovine je na 27. sjednici održanoj 15.4. usvojilo Izvještaj o Javnom saslušanju Borjane Krišto, predsjedavajuće Vijeća ministara BiH, i Elmedina Konakovića, ministra vanjskih poslova BiH, u vezi s otkazivanjem Samita lidera Zapadnog Balkana koji je trebao biti održan u Neumu 5. 12. 2024.

2. Komisija za vanjske poslove razmatrala je poslaničku inicijativu Rejhane Dervišević kojom se zadužuju Ministarstvo finansija i trezora BiH i Ministarstvo vanjskih poslova BiH da po utvrđivanju statusa potraživanja stare devizne štednje za Bosnu i Hercegovinu nastupe kao *amicus curiae* (prijatelj suda) ili treća strana u postupcima pred Međunarodnim sudom za ljudska prava u Strazburu u postupcima u kojima štetiše osporavaju odbijanje isplate s ciljem utvrđivanja statusa potraživanja stare devizne štednje čiju je isplatu Srbija odbila, materijal broj: 01-50-1-388/25 od 7. 2. 2025.

Odjeljak D. Međunarodna saradnja, konferencije i radni sastanci

1. Predsjedavajuća Komisije za vanjske poslove Predstavničkog doma Parlamentarne skupštine BiH Darijana Filipović, zamjenica predsjedavajuće Komisije Sabina Ćudić i članovi Komisije Saša Magazinović i Midhat Čaušević razgovarali su 24. 9. 2025. u Sarajevu s delegacijom Parlamenta Ujedinjenog Kraljevstva Velike Britanije i Sjeverne Irske, koju je predvodio britanski parlamentarac Paul Waugh;
2. Član Komisije za vanjske poslove Saša Magazinović je 4. 12. 2025. zajedno s članovima Komisije za vanjsku i trgovinsku politiku, carine, saobraćaj i komunikacije Doma naroda i Komisije za vanjsku trgovinu i carine Predstavničkog doma PSBiH održao sastanak s delegacijom Komisije za vanjske poslove britanskog parlamenta.

U izvještajnom periodu nije bilo putovanja u organizaciji Komisije.

Odjeljak E. Saradnja s drugim institucijama i organizacijama

Komisija je imala kontinuiranu saradnju s Vijećem ministara BiH, resornim Ministarstvom vanjskih poslova BiH, kao i ostalim ministarstvima čiji su predstavnici redovno prisustvovali sjednicama Komisije i učestvovali u raspravama o aktima za koje je resorno njihovo ministarstvo.

Poglavlje III. Rezime

Na osnovu navedenog, može se konstatirati da je Komisija u 2025. godini blagovremeno razmatrala sve materijale iz svoje nadležnosti. Komisija će i u narednom periodu nastojati maksimalnim angažiranjem doprinositi poboljšanju cjelokupne situacije u oblastima za koje je nadležna.

PREDSJEDAVALA KOMISIJE
Darijana Filipović